

**Date – 10/03/2026**

**Time - 18:30 -18:40Hrs**

**AKASHVANI AIZAWL**

**HEADLINES ( EVENING )**

1. Mizote kut ropui ber leh hlut hlawh ber Chapchar Kut lawmna neih mek a ni.
2. School Education minister Dr Vanlalhlana chuan sorkar hmasain sikul 180 dinhmun tha zawka hlankai tura a dahte chu an vaiin provincialise an nih dawn loh thu a sawi.
3. Union Cabinet chuan Jal Jeevan Mission chu kum 2028 December thlenga kalpui turin a pawtsei
4. West Asia buaina sosang zel karah sawrkar laipui chuan mipui nitin mamawhah harsatna a awm loh nan Essential Commodities Act 1955 hman anih thu a puang.



**CHAPCHAR KUT**

Mizote kut ropui ber leh hlut hlawh ber Chapchar Kut lawm mek a ni a, Chapchar Kut 2026 Hathkargha Mela (SHE) chu Aizawla Assam Rifle chhuahsan tak ram ah ngah mek a ni.

Commerce and Industries Deputy Director Pi Hmunthianghlimi chuan Chapchar Kut Organizing Committee rawtna angin Kum 2026, Chapchar Kut lawmna atan Commerce, Industries, Geology & Mining Department chu handloom, handicrafts, textiles, Food processing exhibition leh Food stall siam tura a tih angin buatsaih anih thu a sawi a, he exhibition hian ni nga chhung aw h tur niin he exhibition-ah hian a stall chi hrang hrang hawn a ni.

Byte- Deputy Director Pi Hmunthianghlimi

Kan corr report lo ngaithla ang.

*VC\_Hruaia - Chapchar Kut Exhibition ah hian Handloom & Textiles – dawr 68, Handicrafts dawr 15, Food Processing – dawr 12, ei leh in zawrhna Food Court ah dawr- 35 hawn a ni.*

*Heng bakah hian PM Viswakarma scheme hnuaiia thil siam chhuah pho lan nan stall-1 leh Shakti Sadan tan stall-1 a awm bawk a, Handloom Exhibition bik atan hian sorkar laipui Mionistry of Textiles Development Commissioner (Handloom atangin Handloom Marketing Assistance hnuaiiah sum hmuh niin, Food*

*Processing-ho tan erawh MFME hnuaiah stall sak sak an ni a, Nikum 2025 Chapchar Kut Handloom Exhibition-ah khan cheng nuai 128 lai hralh chhuah a ni a, kumin-ah hian hmun hma ten a zir bawk a, hei aia tam hi hralh chhuah ngei an beisei tih an sawi a ni.*

Vawiin khan Horticulture minister Pu C Lalsawivunga chuan Aijal Club Park-ah Horticulture Department-in ‘Chapchar Kut Flower Show’ a hawng a; kumin Chapchar Kut thupui ‘Inremna’ a nih angin Chapchar Kut chuan politics leh chi bil thila inthen darhna thlen loin mitin hnenah remna thlen se a duh thu a sawi.

Pu C Lalsawivunga chuan, India rama hnam hrang hrang chengte chu pangpar huan anga tehkhin a nih thu sawiin, Chapchar Kut thupui chu ‘Inremna’ tih a ni a, Flower Show-a inrem taka mawi taka pangpar chi hrang hrang an par khawm ang hian Mizoram a hnam leh chi peng hrang hrangte chu remna nei turin a chah a ni.

((BYTe - Pu C Lalsawivunga)) Minute 6.44-718)

Kan corr report ngaithla zui ang.

VC

*Johny- Chapchar Kut Flower Show hi tunkar Ningani thleng Aijal Club Park-ah hian chhunzawm a ni dawn a, pangpar leh a kaihnhawih zawhna stall 47 siam niin, UD&PA department atanga ngenna an dawn angin Chapchar Kut Flower Show chhung hian hman khat daih sarang (Single use plastic) hmang tlem tura inzirtirna uar taka kalpui tum a ni bawk.*

Hnahthial-ah pawh Bazar tual zawlah Chapchar Kut puala buatsaih Kut Bazar chu Hnahthial Bawrhsap Pi K. Vanlalruati'n a hawng a. Hnahthial mipuite ban phak a Zo thuam lei theihna leh Food Processing lama eizawngte tan inpho chhuahna remchang tak ni a a hmuh thu sawiin kum dangah pawh tih chhunzawm zel tlak ni a a hmuh thu a sawi.

Kan corr report lo ngaithla ang.

*Hnahthial pawh Bazar tual zawla Kut Bazar hi ningani thleng khian hawn a ni dawn a, Stall chi hrang hrang sawmpathum (13) - Handloom, Food Processing, AH&Vety, Florist Association leh CM Special Package te pualin hawn a ni a. Stall thenkhat hi Chapchar Kut lawmna hmun, Pasatha Mualah, Kut lawm ni hian hawn a ni bawk ang.*

*Kut Bazar Hawnna inkhawmah hian Hnahthial District chhunga Pisa hotu thenkhat te an tel a ni.*

<><><>

## **SESSION-EDUCATION MINISTER**

School Education minister Dr Vanlalhlana chuan sorkar hmasain sikul 180 dinmun tha zawka hlankai tura a dahte chu an vaiin provincialise an nih dawn loh thu a sawi a; Lumpsum Grant-in-Aid ah sikul 100 hlankai an nih thu leh Pro Ad Hoc rules tur chu session kal mekah hian pharh tum a nih thu a sawi.

Vawiina Assembly session-ah zawhna chhangin Dr Vanlalhlana chuan, School Upgradation Notification hi tih chhuah tura buaipui mek a nih thu leh

Lumpsum GIA a upgrade-na notification chu kumin February ni 6 khan tihchhuah a nih thu a sawi a, Lumpsum GIA-ah hian Elementary School 34, High School 44 leh Higher Secondary School 22 hlankai an nih thu leh function tir tura hmalak mek a nih thu a sawi. Pro Ad Hoc bik hi tun session-ah hian a rules pharh turin an ti a, pharh ngei an inrin thu a sawi bawk.

Dr Vanlalhlana chuan provincialisation hi file tang a awm a, session lai hian file tang hi tihchhuah tumin an nawr a, provincialisation tihna tur hian kum 2023-a sorkarin criteria a siam chu an hman dawn thu sawiin, an vaiin upgrade theih an ni chiah lo, a ti.

((BYTE 1 - Dr Vanlalhlana

School Education minister Dr Vanlalhlana chuan middle school-a zirtirtu indaihlohna puhru turin contract-in zirtirtu 544 lak an nih dawn thu a sawi bawk a; High School-ah regular teacher 57 lak phalna dawng tawhin hma an lak mek thu a sawi.

(Byte 2 - Dr Vanlalhlana)

Dr Vanlalhlana chuan, zirtirtu indaihlohna puhru turin Directorate of School Education chuan sorkarah Primary School tan post ruak hnawhkhah a dil mek a, Middle School-ah contract-a la tura ruahmanna siam mek a ni a. High School-ah Science & Maths zirtirtu casual teacher 20 lak mek a ni a, regular teacher 57 lak phalna dawn tawh niin, hmalak chhoh mek a ni, a ti.

Higher Secondary School-ah Casual Lecturer 15 lak mek a nih thu sawi bawkin Dr Vanlalhlana chuan, Samagra Shiksha Mizoram hnuaiah hian Primary School-ah zirtirtu post ruak 22, Upper Primary School-ah 55, High School-ah 5 leh HSS-ah 12 awm mekin, hengte hi a tahtawla lak zel tum a nih thu a sawi a ni.

<><><>

## **SESSION-LOP**

Mizoram Legislative Assembly hnuaia Public Accounts Committee (PAC) chairman Pu Lalchhandama Ralte, Leader of Opposition ni bawk chuan PAC chuan hrem ngai hrem turin hna an thawh thu a sawi.

Speaker sawm angin Pu Lalchhandama Ralte hian vawiin khan Assembly Session-ah PAC leh CAG report bawhzuia Health & Family Welfare Dept hnathawh endik anih leh nih loh chungchang report a pharh a, Pu Lalchhandama Ralte chuan, PAC member-te chuan lungrual takin CAG report enin thil pawr leh felhlelte an endik thu a sawi a; an report-ah pawh hian enzui tur - Legal Action te, Vigilance lama thlen turte pawh an nei a, hremngai hrem turin PAC hian hna an thawk a ni, a ti.

(BYTE - PU LALCHHANDAMA RALTE )

<><><>

## **SESSION-DEMAND**

Vawiin Assembly session-ah sorkar kum 2026-27 atana minister pahnih Pu Lalthansanga leh Pu Lalnghinglova Hmar-te department sum mamawh sawiho a ni.

Minister Pu Lalthansanga hian a department enkawl 4 tan cheng vbc 224 point 10 a demand-a; Land Resources, Soil & Water Conservation tan cheng vbc 15 point 51 niin, Fisheries department tan cheng vbc 44 point 12, Environment, Forests & Climate Change tan cheng vbc 148 point 73 leh Sericulture department tan cheng vbc 15 point 73 a ni.

Minister Pu Lalnghinglova Hmar hian a department enkawl 4 - Excise & Narcotics department tan cheng vbc 60 point 19, Sports & Youth Services department tan cheng vbc 27.77,

Labour, Employment, Skill Development & Entrepreneurship department tan cheng vbc 32 point 80 leh Tourism department tan 11 point 94 a demand a, a vaiin Pu Tetea Hmar demand hi cheng vbc 132 point 70 a ni.

<><><>

## **AIR NEWS ON SOCIAL MEDIA**

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihthlak leh chhiar theih a dah a ni.

Naktuk zing dar 7 leh a chanve-ah Chanchinthar puan leh a ni ang.

<><><>

## **UNION CABINET**

Union Cabinet chuan Jal Jeevan Mission chu kum 2028 December thlenga kalpui turin a pawtsei. New Delhia chanchinbumite hmaah he thu hi sawiin Union Information and Broadcasting Minister Ashwini Vaishnaw chuan Prime Minister Narendra Modia kaihhruaia Union Cabinet thukhawm chuan he thutlukna hi a siam a ti a. Union Ministry of Jal Shakti chuan Jal Jeevan Mission chu a nihphung enthat leh a ruhrel siam atanga a taka thawh lama kalpui an remti a ti a.

JJM atan hian cheng vaibelchhe nuai 8 sing 6 sang 9 a ruahman tih sawiin sawrkar laipuiin cheng vaibelchhe nuai 3 sing 5 leh sang 9 a tum dawn a ni.

Hei bakah hian Union Cabinet thurel zingah Tamil Nadu-a Madurai Airport chu International Airport-a leh remtih a ni bawk.

<><><>

## **ESSENTIAL COMMODITIES ACT**

West Asia buaina sosang zel karah sawrkar laipui chuan mipui nitin mamawhah harsatna a awm loh nan Essential Commodities Act 1955 hman anih thu a puang a. He dan hmang hian eirawngbawlina gas siamchhuah leh hralhchhuahna te vil a ni ang a, mipuiten inzat tlanga an chan tur an chan theuh theih nan he dan hi khauh taka hman a ni ang. Union Petroleum and Natural Gas Ministry thuchhuah

danin natural gas chu sector hrang hrangah semzai a ni a, Domestic Piped Natural Gas Supply, lirtheia hmang tur Compressed Natural Gas, LPG leh Pipeline Compressor bakah mamawhna dangachte sem zai a ni.

BJP MP Tejasvi Surya chuan sawrkarin energy lama mipuiten harsatna an tawh loh nan hma a lak thu a sawi a. Vawiina Parliament tuala chanchinbumite a kawmnaah Pu Surya chuan Union Petroleum and Natural Gas minister Hardeep Singh Puri chuan mimal takin nitin a vil reng a ti a. Sawrkarin ramchhunga energy mamawh a awm reng theih chu a pawimawh ber tih a sawi a ni.

<><><>